



GIG
CYMRU
NHS
WALES

Addysg a Gwellu Iechyd
Cymru (AaGIC)
Health Education and
Improvement Wales (HEIW)

Bwletin Rhanddeiliaid Gwanwyn 2023

Yn y rhifyn hwn...

Adeiladu'r gweithlu 2

Gwneud y gorau o dechnoleg
i ddatblygu'r gweithlu 6

Diweddariadau addysg a
hyfforddiant 7

Llunio arweinyddiaeth a
diwylliant 8

Amdanom ni

Addysg a Gwellu Iechyd Cymru (AaGIC) yw'r corff gweithlu strategol ar gyfer GIG Cymru. Fel Awdurdod Iechyd Arbennig, mae gennym gyfraniad unigryw i'w wneud wrth fynd i'r afael â materion gweithlu strategol ac arbenigol, gan wneud Cymru yn lle gwyh i hyfforddi a gweithio i'n staff iechyd a gofal, a sicrhau'r cyfraniad mwyaf posibl gan bob proffesiwn a galwedigaeth drwy ein swyddogaethau statudol. .

Ein gweledigaeth yw "datblygu gweithlu medrus a chynaliadwy sy'n gwella gofal ac iechyd y boblogaeth".

Ein pwrpas yw "fel rhan o'r GIG, gweithio gyda phartneriaid i gynllunio, datblygu, addysgu a hyfforddi gweithlu'r presennol a'r dyfodol".

Ein gwerth ychwanegol yw "darparu datrysiadau gweithlu strategol ac arbenigol".

Adeiladu'r gweithlu

Cymeradwyo cynllun addysg a hyfforddiant 2023/24 yn cynyddu llif y gweithlu

Mae ein Cynllun Addysg a Hyfforddiant mwyaf uchelgeisiol 2023/24 hyd yma wedi'i gymeradwyo gan Lywodraeth Cymru. Fel un o'r prif lwybrau ar gyfer cynyddu cyflenwad y gweithlu yn GIG Cymru mae hwn yn newyddion da iawn ac yn gydnabyddiaeth o'r angen i barhau i fuddsoddi yn ein gweithlu er gwaethaf yr heriau ariannol.

Wedi'i lywio gan bartneriaid, gwybodaeth gweithlu, heriau a blaenoriaethau gwasanaeth, anghenion proffesiynau, a chapasiti hyfforddi, mae'r cynllun yn gweld cynnydd pellach mewn lleoedd hyfforddi ar draws amrywiaeth o broffesiynau gan gynnwys: nyrsio, dieteteg, hyfforddiant arbenigol uwch, seicoleg, fferylliaeth a meddygaeth.

Fodd bynnag, yn yr amgylchedd presennol rydym yn ymwybodol iawn y bydd angen ymdrech sylweddol i weithredu'r cynllun hwn - mae cyfraddau ymgeisio i lawer o raglenni gweithwyr iechyd proffesiynol yn gostwng, ac mae cyfraddau gadael a chadw yn dioddef hefyd. Byddwn yn gweithio'n agos gyda sefydliadau'r GIG, SAUau a phartneriaid eraill i sicrhau ein bod yn cynyddu ein hymdrechion i ddenu a chadw myfyrwyr a hyfforddeion ar gyfer GIG Cymru.

Diweddariad ar Gynllun Tymor Canolig Integredig (IMTP) AaGIC

Mae ein IMTP wedi'i gwblhau a'i gyflwyno i Lywodraeth Cymru. Rydym yn ddiolchgar i'n partneriaid GIG am eu cefnogaeth wrth ddatblygu'r cynllun hwn, ac i'n Grŵp Cyfeirio Rhanddeiliaid am eu cyfraniadau sydd wedi ein helpu i'w fireinio.

Mae ein cynllun yn blaenoriaethu cefnogi'r system iechyd a gofal a blaenoriaethau gweinidogol drwy atebion gweithlu strategol ac arbenigol i heriau gweithlu GIG Cymru.

Mae hefyd yn parhau i ganolbwyntio ar adferiad, lleihau anghydraddoldebau a gwella canlyniadau drwy gefnogi rhaglenni cenedlaethol, gweithredu Strategaeth y Gweithlu ar gyfer Iechyd a Gofal Cymdeithasol, a'r camau gweithredu a amlinellir yng Nghynllun Gweithredu

Cenedlaethol ar gyfer y Gweithlu: Mynd i'r Afael â Heriau Gweithu GIG Cymru Llywodraeth Cymru.

Am ragor o wybodaeth cysylltwch â: heiw.planning&performance@wales.nhs.uk

Strategaeth gweithlu ar gyfer Iechyd a gofal cymdeithasol

Bu cynnydd da wrth weithredu cam un o'r strategaeth sydd i'w gwblhau ym mis Hydref 2023. Ar y cam hwn yn y rhaglen waith 10 mlynedd, rydym yn hyderus bod yr uchelgeisiau a nodir yn 2020 yn gyraeddadwy.

Fodd bynnag, mae'r cyd-destun yn fwy heriol na phan ddechreuasom. Yn benodol, rydym yn pryderu am y thema 'Ymgysylltiol, Cymhellol ac Iach' sy'n cwmpasu gwobr

a chydabyddiaeth deg, morâl a phrofiad staff. Mae angen inni gynnal cynnydd a chyflymder o ran datblygu diwylliannau ac arweinyddiaeth swynol gan fod tystiolaeth sylweddol o'r effaith gadarnhaol y gallant ei chael ar staff a chleifion. Serch hynny, y realiti yw y bydd unrhyw effaith yn araf i gael ei gwireddu oherwydd ffactorau allanol gan gynnwys costau byw, tâl a galw am wasanaethau.

Mae'r brys yn golygu bod awydd am atebion tymor byr a bob blwyddyn rydym yn cyfeirio rhywfaint o'n galltu at y cyfleoedd hyn. Fodd bynnag, yn aml nid yw'r rhain yn gynaliadwy ac mae'n rhaid eu cydbwyso yn erbyn yr angen i gadw ffocws ar atebion tymor canolog i hirdymor. Bydd adroddiad ar y cyd ar gynnydd a chyflawniad cam 1 yn cael ei gyhoeddi gan y ddau sefydliad erbyn mis Hydref 2023.

Yn y cyfamser, diolch i bawb sydd wedi mynychu ein digwyddiadau ymgysylltu a/neu lenwi ein holiadur ar-lein i helpu i lywio datblygiad cam nesaf gweithredu'r Strategaeth. Mae'r ymgysylltu wedi cadarnhau bod saith thema'r Strategaeth yn parhau'n ddilys ac yn briodol, fel y mae'r

datganiadau uchelgais ar gyfer 2030. Roeddem yn falch o allu defnyddio'ch adborth a'n gwaith sganio'r gorwel a'n hymchwili i ddylanwadu ar gynnwys Cynllun Gweithredu Cenedlaethol y Gweithlu a drafodir isod.

cynllun gweithredu gweithlu cenedlaethol Llywodraeth Cymru

Mae Cynllun Gweithredu Cenedlaethol y Gweithlu yn cynnwys 78 o gamau gweithredu sydd â'r nod o fynd i'r afael â heriau gweithlu GIG Cymru yn y tymor byr, ac rydym yn croesawu'r ffocws o'r newydd ar hyn gan Lywodraeth Cymru. Nid yw gweithlu yn fater sy'n galluogi neu'n cefnogi ein cynlluniau gwasanaeth a'n huchelgeisiau, dyma'r mater canolog y mae angen mynd i'r afael ag ef, a bydd sefydlu Bwrdd Gweithredu'r Gweithlu Strategol newydd yn helpu i atgyfnerthu hyn. Roeddem yn falch o weld y gydnabyddiaeth gref yn y cynllun o'n gwaith gyda Gofal Cymdeithasol Cymru, a phartneriaid, wrth gyflawni cam cyntaf ein Strategaeth Gweithlu ar gyfer lechyd a Gofal Cymdeithasol ac edrychwn ymlaen at weithio gyda Llywodraeth Cymru ac eraill i gyflawni gweithredoedd y Gweinidog.

Am ragor o wybodaeth cysylltwch ag:
angie.oliver@wales.nhs.uk

Diweddariad cynllunio gweithlu strategol

Mae gennym nifer o raglenni gwaith sy'n cyd-fynd â'n swyddogaeth o gynllunio gweithlu strategol a'n hymrwymadau yn **Strategaeth y Gweithlu ar gyfer lechyd a Gofal Cymdeithasol**. Mae hyn yn cynnwys cyfres o gynlluniau gweithlu strategol ar gyfer proffesiynau allweddol a grwpiau galwedigaethol.

Dros yr wyth i ddeg mlynedd nesaf bydd ein gwasanaethau iechyd a gofal yn newid yn aruthrol. Nod y cynlluniau hyn yw creu gweithlu cynaliadwy ystwyth i ymateb i'r newidiadau hyn. Gan adeiladu ar saith thema strategaeth y gweithlu, byddant yn edrych ar y ffordd yr ydym yn denu, hyfforddi, ac yn datblygu ac yn cefnogi ein gweithlu



yn barhaus. Yn ogystal, byddant yn amlinellu sut y gallwn drawsnewid y ffordd yr ydym yn gweithio drwy ail-lunio rolau a datblygu newydd, meithrin sgiliau a gallu mewn meysydd na wnaethom o'r blaen, a chroesawu technoleg newydd.

Tabl crynodeb o gynlluniau gweithlu strategol

Gwasanaeth / proffesiwn	Sefyllfa gryno	Cysylltwch
Cynllun Gweithlu Iechyd Meddwl Strategol	Cynllun wedi'i gwblhau, ei lansio a chwblhau'r cynllun gweithredu. Cyllid gweithredu wedi'i gymeradwyo	heiw.mentalhealth@wales.nhs.uk
Cynllun Gweithlu Fferylliaeth Strategol	Ymgynghori ar y gweill	HEIW.PharmacyWorkforce@wales.nhs.uk
Cynllun Gweithlu Deintyddiaeth Strategol	Camau cychwynnol y cwmpasu ar y gweill	heiw.dentalworkforceplan@wales.nhs.uk
Cynllun Gweithlu Nyrsio Strategol	Adroddiad cam un ar alw a chyflenwad yn cael ei gwblhau ym mis Ebrill 2023	HEIW.NursingWorkforcePlan@wales.nhs.uk
Cynllun Gweithlu Gofal Sylfaenol Strategol	Proses ymgysylltu yn cychwyn yn fuan	heiw.primarycarewfp@wales.nhs.uk
Cynllun Gweithlu Genomeg Strategol	Penodi arweinydd clinigol i gwmpasu'r cynllun	sarah.bant2@wales.nhs.uk
Datrysiadau Mamolaeth a Newydd-enedigol	Mae blaenoriaethau cynnar wedi eu symud ymlaen	Charlette.middlemiss@wales.nhs.uk
Datrysiadau Gweithlu Diagnostig	Mae gweithdai cwmpasu cychwynnol ar y gweill gyda phatholeg, endosgopi, delweddu a gwyddor gofal iechyd	Dorothy.edwards@wales.nhs.uk

Datblygu ein gweithlu gofal critigol

Atgyfnerthodd y pandemig bwysigrwydd ein gweithlu gofal critigol a'r angen i sicrhau bod ganddynt yr addysg a'r hyfforddiant cywir i ddarparu'r gofal gorau i'w cleifion. Gydag Health Education England, rydym yn cyflwyno rhaglen addysg ôl-gofrestru lefel 7 ar gyfer staff gofal critigol yng Nghymru. Mae'r rhaglen, a fydd ar gael ym Mhrifysgol De Cymru, Prifysgol Abertawe a Phrifysgol Bangor, yn cefnogi cadw, datblygu gyrfa a chysondeb mewn hyfforddiant a sgiliau ar gyfer y tîm hynod fedrus hwn.

Gwybodaeth bellach: christine.love@wales.nhs.uk



Yn ogystal, rydym wedi creu adnodd newydd sydd wedi'i gynllunio i helpu i fynd i'r afael â phwysau'r gweithlu ym maes gofal critigol a chefnogi gwelliannau o ran ansawdd a diogelwch gofal. Dan arweiniad dwy nyrs gofal critigol ar secondiad o Fwrdd Iechyd Prifysgol Caerdydd a'r Fro, mae'r adnodd ar gael [yma ar ein gwefan](#) ar gyfer holl arweinwyr gwasanaethau gofal critigol, cynllunwyr gweithlu a rheolwyr gweithredol.

Datblygiadau mewn gofal sylfaenol a chymunedol

Ceir gwybodaeth am y datblygiad diweddaraf ym maes Gofal Sylfaenol yn ein Bwletin Gweithlu Gofal Sylfaenol diweddaraf sydd ar gael ar ein [gwefan](#).

Cynyddu gofal deintyddol yng nghefn gwlad Cymru

Yn gynharach eleni, lansiwyd menter newydd i annog hyfforddeion deintyddol i gwblhau eu hyfforddiant mewn practis gwledig a chynyddu mynediad at wasanaethau deintyddol i bobl yn yr ardal.

Mae'r fenter yn cynnig pecyn cymorth gwell, gan gynnwys grant byw yng nghefn gwlad o £5,000+, ar gyfer hyfforddeion sy'n cyflawni eu blwyddyn Hyfforddiant Deintyddol Sylfaen mewn practisau deintyddol gwledig penodol yng Ngorllewin, Gogledd a Chanolbarth Cymru.

Mae'n bleser gennym adrodd, yn dilyn y rownd recriwtio gyntaf, ein bod wedi llenwi 8 o'r 12 swydd sydd ar gael. Cyn bo hir byddwn yn mynd allan i ail rownd recriwtio i lenwi'r swyddi sy'n weddill.

Mae rhagor o wybodaeth ar gael ar ein gwefan [yma](#).

HyfforddiGweithioByw (TWL)

HyfforddiGweithioByw yw ein menter GIG Cymru sy'n darparu ymgyrchoedd recriwtio cenedlaethol a rhyngwladol i gefnogi recriwtio gweithwyr gofal iechyd proffesiynol i GIG Cymru.

Ym mis Mawrth 2023, lansiodd Eluned Morgan AS, y Gweinidog dros Iechyd a Gwasanaethau Cymdeithasol, ein hymgyrch ddeintyddol TWL. Nod yr ymgyrch yw cynyddu'r proffesiwn deintyddol yng Nghymru drwy annog graddedigion i ymgymryd â'u hyfforddiant sylfaen a chraidd yng Nghymru. Mae ein data yn dangos bod graddedigion deintyddol sy'n hyfforddi yng Nghymru yn fwy tebygol o aros yng Nghymru.

Yn ddiweddarach eleni, byddwn yn cynnal ymgyrch fferylliaeth ac yn cwmpasu cyfleoedd ar gyfer ymgyrch iechyd meddwl a nyrsio. Byddwn hefyd yn arddangos Cymru fel y lle i HyfforddiGweithioByw mewn nifer o ddigwyddiadau ar draws Lloegr a'r Alban gan gynnwys Cyngres yr RCN, Cynhadledd Flynyddol RC of Seiciatreg, Arfer Gorau Gofal Sylfaenol a chynhadledd flynyddol RCGP.

I gael rhagor o wybodaeth, ewch i trainworklive.wales/cy/hafan/

Gwneud y gorau o dechnoleg i ddatblygu'r gweithlu

Y golau gwyrdd ar gyfer y strategaeth addysg a hyfforddiant seiliedig ar efelychu Cymru gyfan gyntaf

Y mis hwn lanswyd ein strategaeth efelychu Cymru gyfan a gymeradwywyd gan y Bwrdd. Mae'r strategaeth yn canolbwyntio ar rôl annatod Addysg a Hyfforddiant Seiliedig ar Efelychu (SBET) wrth ddatblygu'r gweithlu presennol ac yn y dyfodol.

Ei nod yw gwella SBET drwy ei gysoni ym mhob rhan o Gymru, gan gynnwys ardaloedd gwledig, gan ddarparu cysondeb a thegwch i hyfforddiant.

Bydd hyn yn cefnogi pob dysgwr i ddod yn weithwyr proffesiynol hyfforddedig iawn gyda'r hyder a'r sgiliau i ddarparu gofal diogel o ansawdd uchel, gan arwain at ganlyniadau gwell i gleifion.

Mae ein tîm hefyd wedi bod yn gweithio gyda phartneriaid ar draws y DU i baratoi ar gyfer cyflawni'r strategaeth, gan gynnwys archwilio cyfleoedd i ofal iechyd yng Nghymru a diwydiant gydweithio.

Mae digwyddiadau rheolaidd yn parhau i gael eu cynnal gyda gweminarau efelychu chwarterol a chynhadledd flynyddol, yn ogystal â chysiau i safoni gofal iechyd SBET yng Nghymru. I gael gwybod mwy ewch i dudalen digwyddiadau ein [gwefan](#).

Am ragor o wybodaeth
HEIW.Simulation@wales.nhs.uk

Cymeradwyo strategaeth ddigidol a data drawsnewidiol AaGIC

Cymeradwywyd ein strategaeth ddigidol a data drawsnewidiol AaGIC gan ein Bwrdd ym mis Ionawr.

Mae'n nodi ein gweledigaeth pum mlynedd i "drawsnewid y gweithlu ar gyfer Cymru iachach" drwy dechnolegau digidol, gwybodaeth data a chylch parhaus o fuddsoddi a thrawsnewid.

Ar lefel genedlaethol, mae'r cynllun yn canolbwyntio ar baratoi gweithlu ehangach y GIG ar gyfer amgylchedd sydd wedi'i drawsnewid yn ddigidol.

Hefyd, ymgysylltu a siapio'r gweithlu trwy addysg a hyfforddiant a gwell gwybodaeth data.

Am ragor o wybodaeth:
HEIW.Digital@wales.nhs.uk

Llwyfan dysgu ar-lein newydd – Y Tî Dysgu

'Y Tî Dysgu' - mae ein system dysgu ar-lein a rheoli cyrsiau/digwyddiadau newydd yn ei chomau olaf o'i datblygiad, gyda'r system yn cael ei phoblogi a'i chyflwyno fesul cam dros y misoedd nesaf.

Bydd hyn yn trawsnewid ein harlwy dysgu ar-lein, yn ogystal â darparu i'n defnyddwyr allanol ddull safonol o ddysgu ar-lein AaGIC, profiad gwell i ddefnyddwyr a chyfleoedd ar gyfer dysgu aml-broffesiynol.

Am ragor o wybodaeth cysylltwch â
jo.tucker@wales.nhs.uk



Diweddariadau addysg a hyfforddiant

Gwella Lleoliadau Clinigol

Mae lleoliadau clinigol yn un o gydrannau pwysicaf addysg a hyfforddiant gofal iechyd.

Mae ein Hwyluswyr Addysg mewn Cartrefi Gofal (CHEFs) yn parhau i weithio gyda phartneriaid, defnyddwyr gwasanaeth a myfyrwyr i ehangu capasiti lleoliadau yn y sector cartrefi gofal yn gynaliadwy. Ers i'n CHEFS ddechrau yn ei swydd, mae nifer y cartrefi gofal yng Nghymru sy'n cynnig lleoliadau myfyrwyr wedi mwy na dyblu i 52. Rydym hefyd wedi gweld 429 o fyfyrwyr yn mynd ar leoliad cartref gofal rhwng Chwefror 2021 a Chwefror 2023.

Yn ogystal, i gefnogi darpariaeth a llwyddiant lleoliadau clinigol rydym wedi ehangu Hwyluswyr Addysg Ymarfer (PEFs) a ariennir gan AaGIC a rolau cyfatebol ar draws gwasanaethau nyrsio a bydwreigiaeth yng Nghymru. Rydym hefyd yn edrych ar rolau PEF pellach ar draws therapïau a gwyddorau iechyd a fydd yn gwella ein gallu i gefnogi lleoliadau mewn mwy o feysydd.

Am ragor o wybodaeth
Simon.Cassidy@wales.nhs.uk

Manteision addysg a hyfforddiant i fferyllwyr y dyfodol a'n cleifion

Rydym wedi gweithio gyda'n partneriaid SAU i gynyddu'r amser y mae myfyrwyr fferylliaeth prifysgolion Cymru yn ei dreulio ar leoliad clinigol yn ystod eu graddau. Bydd y cynlluniau newydd, a ddatblygwyd mewn partneriaeth ag ysgolion fferylliaeth Prifysgol Caerdydd ac Abertawe, yn darparu hyfforddiant ychwanegol dan oruchwyliaeth i bob myfyriwr fferylliaeth israddedig. Bydd hyn yn sicrhau bod gan bob fferylllydd yn y dyfodol y sgiliau i ymgymryd â rolau clinigol newydd fel arbenigwyr meddyginiaethau pan fyddant yn cwblhau eu hyfforddiant.

Am ragor o wybodaeth
HEIW.pharmacy@wales.nhs.uk

Y diweddaraaf am Brentisiaethau: cynyddu'r cyflenwad gweithlu

Mae Fframwaith Cymorth Amdriniaethol Lefel 4 wedi'i gymeradwyo a'i gyhoeddi gan Lywodraeth Cymru. Mae'r fframwaith yn darparu cyflenwad gweithlu posibl arall i fyrddau iechyd i ymateb i'r ôl-groniad o lawdriniaethau gofal wedi'i gynllunio.

Mae gwaith yn parhau ar y Brentisiaeth Gwybodeg Iechyd Lefel 2 i ddarparu man cychwyn i ymadawyr ysgol ymuno â'r gweithlu gwyddor gofal iechyd.

Am ragor o wybodaeth cysylltwch â:
rachel.mooney@wales.nhs.uk



Llunio arweinyddiaeth a diwylliant

Lansio Rhaglen Arweinyddiaeth Glinigol Uwch newydd

Yr hydref diwethaf lansiwyd ein rhaglen Arweinyddiaeth Glinigol Uwch newydd, a ddatblygwyd ar y cyd â rhanddeiliaid clinigol ar draws GIG Cymru.

Yn dilyn lefel eithriadol o ddiddordeb, byddwn yn rhedeg sawl carfan eto eleni.

Ceir rhagor o wybodaeth ar [borth arweinyddiaeth Gwella AaGIC](#)

Cymrodoriaeth Hyfforddai Arweinyddiaeth Glinigol Cymru

Mae'r rhaglen Gymrodoriaeth flaenllaw hon wedi tyfu a thrawsnewid yn rhaglen amlddisgyblaethol ehangach gyda'r uchelgais i gynyddu amrywiaeth a nifer y clinigwyr mewn rolau arweinyddiaeth uwch.

Roedd Cymrodryr newydd yr hydref diwethaf yn cynnwys Optometryddion, Gweithwyr Proffesiynol Perthynol i Iechyd, Fferyllwyr, Gwyddonwyr Gofal Iechyd a gweithwyr proffesiynol Meddygol a Deintyddol, ac eleni bydd yn cynnwys Cymrawd Nyrsio.

Bydd y garfan newydd yn dechrau ym mis Awst a mis Medi 2023.

Ail-lansio Porth Arweinyddiaeth Gwella AaGIC

Yn dilyn adborth gan gwsmeriaid, [mae porth Arweinyddiaeth Gwella](#) wedi'i ddiweddarau ac mae bellach yn cynnwys tudalen newydd 'Cychwyn eich Llwybr Arwain' sy'n arwain arweinwyr ar bob lefel i gynllunio eu taith arweinyddiaeth. Gyda gweminarau, rhwydweithiau, rhaglenni datblygu, podlediadau a llawer mwy, does dim amser tebyg i'r presennol i gychwyn eich taith arweinyddiaeth gyda chymorth Gwella!

Aelodaeth am ddim: Sefydliad Rheolaeth Iechyd a Gofal Cymdeithasol (IHSCM)

Yr IHSCM yw'r prif sefydliad aelodaeth annibynnol ar gyfer rheolwyr ac arweinwyr sy'n gyfrifol am gynllunio, darparu a chefnogi iechyd a gofal yn y DU a ledled y byd. AaGIC yw Hyb IHSCM Cymru, gan arwain at aelodaeth am ddim i gydweithwyr iechyd a gofal cymdeithasol yng Nghymru.

I gael rhagor o wybodaeth, ewch i [IHSCM - Gwella Porth Arwain AaGIC i Gymru](#)

Cefnogi iechyd a lles ar draws GIG Cymru

Mae iechyd a lles gweithlu GIG Cymru yn thema ganolog yn Strategaeth y Gweithlu. Rydym yn cynnal ystorfa ganolog o wybodaeth ac adnoddau [yma ar ein gwefan](#), a chyfeirio at wasanaethau cymorth fel [Canopi](#), sy'n cynnig cymorth iechyd meddwl cyfrinachol am ddim.



Digwyddiadau AaGIC

Peidiwch â cholli allan ar ddigwyddiad AaGIC. Ewch i [adran digwyddiadau](#) ein gwefan i weld beth sy'n digwydd.

Cyfarfodydd bwrdd AaGIC

Cynhelir ein cyfarfodydd Bwrdd rhithwir bob yn ail fis ac mae croeso i chi ymuno â ni. Yr un nesaf yw dydd Iau 30 Mawrth - mae manylion ar ein gwefan [yma](#).

Lledaenwch y neges

I dderbyn bwletin Rhanddeiliaid AaGIC, e-bostiwch HEIW.Communications@wales.nhs.uk a'i rannu â chydweithwyr a phartneriaid.

Os hoffech ddad-danysgrifio, e-bostiwch HEIW.Communications@wales.nhs.uk

